



REPUBLIKA E SHQIPËRISË  
KËSHILLI I LARTË I PROKURORISË

VENDIM  
Nr. 9, datë 16.01.2025

PËR  
“CAKTIMIN E PËRKOHSHËM NË POZICIONIN E PROKURORIT NË  
PROKURORINË PRANË GJYKATËS SË APELIT TË JURIDIKSIONIT TË  
PËRGJITHSHËM”

Këshilli i Lartë i Prokurorisë (KLP), me pjesëmarrjen e:

1. Zonjës Mirela BOGDANI	Kryetar
2. Zotit Sokol STOJANI	Anëtar
3. Zotit Zeqir HODA	Anëtar
4. Zonjës Arta MANDRO	Anëtar
5. Zonjës Ledina RIZA	Anëtar
6. Zotit Moisi DUDA	Anëtar
7. Zotit Vatë STAKA	Anëtar
8. Zotit Olger EMINAJ	Anëtar
9. Zotit Erind GËRMENJI	Anëtar
10. Zotit Erind MERKURI	Anëtar
11. Zoti Erion FEJZULLA	Anëtar

në mbledhjen e datës 16.01.2025, konform procedurës së përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë” i ndryshuar, nenet 18 dhe vijues të Rregullores “Për organizimin dhe funksionimin e brendshëm të Këshillit të Lartë të prokurorisë”, shqyrtoi çështjen me objekt:

**“Për caktimin e përkohshëm në pozicionin e prokurorit në Prokurorinë pranë Gjykatës së Apelit të Juridiksionit të Përgjithshëm”**



### **BAZA LIGJORE:**

1. Neni 149, pika 1 dhe 149/a, pika 1, germa "a" të Kushtetutës të Republikës së Shqipërisë;
2. Nenet 164, pika 8, 166, pikat 2 dhe 6, 189, pika 1, germa "a" të ligjit nr. 115/2016, "Për organet e qeverisjes së sistemit të drejtësisë" i ndryshuar;
3. Nenet 42 pika 2, 59 pika 1 dhe 4 të ligjit nr.96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar;
4. Rregullore "Për caktimin e përkohshëm të prokurorëve" e ndryshuar.

### **KËSHILLI I LARTË I PROKURORISË:**

Nga shqyrtimi i materialit shkresor të përbërë nga:

- i. Relacioni shoqërues nr. 86, datë 14.01.2025, i Komisionit të Zhvillimit të Karrierës;
- ii. Projektvendimi i formatuar dhe arsyetuar;

si dhe referuar bazës ligjore të lartpërmendur, përfshirë diskutimet në mbledhje mbi çështjen,

### **V Ë R E N:**

1. Këshilli i Lartë i Prokurorisë është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë.
2. Si rezultat i procesit të rivlerësimit kalimtar dhe shkarkimit nga detyra të disa prej prokurorëve në Prokurorinë pranë Gjykatës së Apelit të Juridiksionit të Përgjithshëm, kjo prokurori aktualisht ka gjashtë vakanca të përhershme dhe katër vakanca të përkohshme nga njëzet prokurorë që ka në organikën e saj.
3. Këshilli i Lartë i Prokurorisë më herët më qëllim plotësimin e vendeve të lira në Prokurorinë pranë Gjykatës së Apelit të Juridiksionit të Përgjithshëm Tiranë, në mbledhjen e datës 25.10.2021, me vendimin nr. 334, caktoi përkohësisht prokuroren Elidjana Kasa, prokurore në Prokurorinë pranë Gjykatës së Shkallës së Parë Pukë, si prokurore në Prokurorinë pranë Gjykatës së Apelit Tiranë, më tej u caktua përkohësisht në këtë pozicion edhe me vendimet nr. 12, datë 24.01.2022; nr. 71, datë 22.04.2022; nr. 193, datë 12.07.2022; nr. 259, datë 11.10.2022; nr. 16, datë 16.01.2023.
4. Më tej u caktua përkohësisht në pozicionin e prokurores në Prokurorinë pranë Gjykatës së Apelit të Juridiksionit të Përgjithshëm, me vendimet nr.80, datë 24.04.2023; nr.287, datë 17.07.2023; nr.320, datë 20.10.2023; nr.3, datë 24.01.2024; nr. 53, datë 24.04.2024; nr.149, datë 23.07.2024, dhe së fundmi me vendimin nr.220, datë 23.10.2024, për një afat nga data 25.10.2024 deri më 24.01.2025.
5. Në procedurën për caktimin e përkohshëm janë mbajtur parasysh parashikimet ligjore si më poshtë:





- Neni 59 i ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, parashikon se:

[...]1.Pozicioni i magjistratit mund të plotësohet përkohësisht, kur magjistrati me pozicion të përhershëm nuk është në gjendje të ushtrojë funksionin për një periudhë jo më shumë se tre muaj, për shkak të:

- a) caktimit në pozicione të tjera;
- b) arsyeve të tjera të parashikuara nga ligji. [...]

- Në referim të nenit 42 pika 2, e ligjit të sipërpërmendur përcaktohet se:

[...] ... Pozicioni është përkohësisht i lirë kur magjistrati që ka atë pozicion në mënyrë të përhershme, për të paktën 3 muaj, është përkohësisht në pamundësi për të ushtruar funksionin në atë pozicion.”. [...]

- Referuar nenit 3 të Rregullores “Për caktimin e përkohshëm të prokurorëve” e ndryshuar, përcaktohet se:

[...]Neni 3

#### *Kriteret për caktimin e përkohshëm të prokurorëve*

1. Prokurori mund të caktohet përkohësisht në çdo pozicion të të njëjtit nivel ose të një niveli tjetër, për të cilin përmbush kërkesat dhe kriteret e parashikuara në ligj për këtë nivel apo pozicion, në të njëjtën prokurori ku ushtron funksionin ose në një prokurori tjetër.

2. Këshilli i Lartë i Prokurorisë respekton për aq sa është e mundur vullnetin e prokurorëve gjatë caktimit të përkohshëm. [...]

6. Duke ruajtur frymën e ligjit dhe në përgjigje të situatës së krijuar, Këshilli, duke konstatuar se kushtet dhe rrethanat mbi bazën e të cilave janë vendosur caktimet e mëparshme të përkohshme të kësaj prokuroreje në lidhje me këtë pozicion nuk kanë ndryshuar, si dhe duke pasur parasysh faktin se zonja Elidjana Kasa është konsideruar në caktimet e mëparshme si kandidate që mund të plotësojë vendin e lirë përkohësisht në këtë prokurori, e rivlerëson të përshtatshme për këtë pozicion, prokuroren Elidjana Kasa.

7. Gjatë periudhës së caktimit të përkohshëm, bazuar në nenin 15/2 të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, prokurorja Elidjana Kasa, do të përfitojë shtesë mbi pagën referuese bazë, në masën 40%. Për shkak se nuk janë miratuar akoma rregulla të posaçme për mënyrën e llogaritjes së kompensimit për raste të tilla, Këshilli në llogaritjen e kësaj mase merr parasysh shkaqet specifike shëndetësore sipas dokumentacionit përfshirë në dosje.

**Për sa më sipër Këshilli i Lartë i Prokurorisë:**

8. Bazuar në ligj dhe rregulloren e lartpërmendur, si dhe pasi bëri verifikimet përkatëse në zyrën e burimeve njerëzore, ku u konstatua se prokurorja Kasa nuk ka masë disiplinore në fuqi, propozon që zonja Elidjana Kasa, prokurore në Prokurorinë pranë Gjykatës së Shkallës së Parë të Juridiksionit të Përgjithshëm Shkodër, e cila plotëson kriteret ligjore, të caktohet përkohësisht nga data 25.10.2024 deri më 24.01.2025, në pozicionin e prokurores në Prokurorinë pranë Gjykatës së Apelit të Juridiksionit të Përgjithshëm.

### PËR KËTO ARSYE:

Bazuar në nenet 149 pika 1, 149/a pika 1 germa "a", të Kushtetutës së Republikës së Shqipërisë, nenin 59 pika 1 dhe 4, të ligjit nr.96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar, nenet 164 pika 8, 166 pika 2, 189 pika 1, germa "a" të ligjit nr.115/2016 "Për organet e qeverisjes së sistemit të drejtësisë" i ndryshuar, në Rregulloren "Për caktimin e përkohshëm të prokurorëve" e ndryshuar, Këshilli i Lartë i Prokurorisë:

### V E N D O S I:

1. Zonja Elidjana Kasa (Morina), prokurore në Prokurorinë pranë Gjykatës së Shkallës së Parë të Juridiksionit të Përgjithshëm Shkodër, të caktohet përkohësisht si prokurore në Prokurorinë pranë Gjykatës së Apelit të Juridiksionit të Përgjithshëm.
2. Zonja Elidjana Kasa (Morina) do të ushtrojë funksionin e prokurorit në Prokurorinë pranë Gjykatës së Apelit të Juridiksionit të Përgjithshëm, nga data 24.01.2025 - 24.04.2025.
3. Të njoftohen për këtë vendim zonja Elidjana Kasa (Morina), Prokurori i Përgjithshëm, Prokuroria pranë Gjykatës së Shkallës së Parë të Juridiksionit të Përgjithshëm Shkodër dhe Prokuroria pranë Gjykatës së Apelit të Juridiksionit të Përgjithshëm.
4. Ky vendim hyn në fuqi menjëherë dhe publikohet në faqen zyrtare web të Këshillit.

U shpall në Tiranë, sot më 16.01.2025.

**KRYETAR**  
Mirela Bogdani

**ANËTAR**  
Zeqir Hoda

**ANËTAR**  
Moisi Duda

**ANËTAR**  
Arta Mandro

**ANËTAR**  
Vatë Staka

**ANËTAR**  
Sokol Stojani

**ANËTAR**  
Ledina Riza

**ANËTAR**  
Olger Eminaj